

## Գայանե ՍԱՆՈՒԿՅԱՆ

### ԴԻՍԱՎՈՐ ՄԻԱԿԱԶՄ ՆԱԽԱԴԱՍՈՒԹՅՈՒՆՆԵՐԸ ՀԱՅԵՐԵՆԻ ԱՌԱԾՆԵՐՈՒՄ ԵՎ ԱՍԱՑՎԱԾՔՆԵՐՈՒՄ

Առածները և ասացվածքները (այսուհետև՝ ԱԱ) ժողովրդական բանահյուսության ամենատարածված ստեղծագործություններն են: Սրանք պատկանում են վիպական ժամանակին: Բայց ի տարրերություն վիպական ժամանակում են պատկանում առաջին ԱԱ-ներում կյանքի երևույթներն ու հարաբերությունները պատկերվում են առավել սեղմ և պատկերավոր խոսքի միջոցով: Հաճախ մեկ կամ երկու բառով արտահայտվում է մի ամբողջ իմաստություն:

ԱԱ-ները յուրահատող ձևավորում ունեն և լեզվական ինքնատիպ արտահայտություն. այնտեղ հանդիպում են նախադասության ամենաբազմազան դրսերումներ՝ միակազմ և երկազմ, պարզ և բարդ: Ընդ որում, նախադասության այդ դրսերումների շրջանակներում կարելի է ցոյց տալ հայերենի լեզվագերականական հնարավորությունների անսպառ իրացումներն ու բացահայտել նրանց ոճական արժեքը:

Հարցադրությունների այս համալիր շրջանակը առանձին քննության նյութ է. սույն հոդվածում կիրարենք անդրադառնալ միակազմ նախադասությունների իմաստակառուցվածքային իրացումներին հայերենի ԱԱ-ներում:

Միակազմ նախադասություններն ըստ իրենց արտահայտության ձևերի լինում են երեք հիմնական տեսակի՝

ա) դիմավոր միակազմ.

բ) անդեմ միակազմ.

գ) բար-նախադասություններ.

Անհրաժեշտ է քննել, թե այս տեսակները ինչպիսի արտահայտություն են գտնում ԱԱ-ներում:

Դիմավոր միակազմ նախադասություններն արտահայտվում են բայի դիմավոր ձևերով, առանց ենթակայի: Ենթական չկա, և անհնար է, կամ հարկ չկա այն արտահայտելու: Դրանք ձևավորվում են բայի տարբեր եղանակներով և լինում են երեք տեսակ՝

ա) անորոշ-դիմավոր.

բ) ընդհանրական-դիմավոր.

գ) հատկանիշն ընդգծող միաշիմի նախադասություններ<sup>1</sup>.

Այս երեք տեսակներից ԱԱ-ներում հանդիպում ենք զերազանցապես ընդհանրական-դիմավոր նախադասությունների: Դա, ինչպես ասել ենք, պետք է բացատրել առածների և ասացվածքների արտահայտած իմաստներով, որոնք ընդհանուր ճշմարտություններ են և վերագրվում են մարդկանց ընդհանրապես:

ԸՆԴՀԱՆՐԱԿԱՆ ԱՆԴԱՐԱՐԱՐԱԿԱՆ ՆԱԽԱԴԱՍՈՒԹՅՈՒՆՆԵՐ. Ընդհանրական-դիմավոր են կոչվում այնպիսի միակազմ նախադասությունները, որոնց ստորոգյալի գործողությունը հավասարապես վերաբերում է բոլոր դեմքերին. դեմքը միայն ձևական նշանակություն ունի և արտահայտման միջոց է<sup>2</sup>:

Ըան պոչը կտրես, ոչխար չի դառնալ (324):

Միանք այն նախադասություններն են, որոնց ստորոգյալի արտահայտած հատկանիշը վերագրվում է բոլորին, մարդկանց ընդհանրապես:

Այսպես, օրինակ, երբ ասում ենք «Երկարը տաք-տաք կծեծեն», նկատի չունենք որևէ կոնկրետ անձի, սուբյեկտը ուղղակի իմաստով չենք հասկանում: Առաջ նշում է, որ գործն առհասարակ չպետք է ուշացնել: Կամ՝ «Ունքը շինելու տեղ, աչքն էլ հանեց»

<sup>1</sup> Մասմագիտական գրականության մեջ դիմավոր միակազմ նախադասությունների այլ բաժանում է նաև առաջարկվում՝ ա) ձևական դիմավոր նախադասություն, բ) անորոշ դիմավոր նախադասություն, գ) ընդհանրական միակազմ դիմավոր նախադասություն (տես Ս. Արքահամյան, Ն. Պատճապյան և ուղիղներ, Ժամանակակից հայոց լեզու, հ. 3, Եր., 1976, էջ 467 - 492):

<sup>2</sup> Ս. Արքահամյան, Հայոց լեզու. Հարակություն, Եր., 2004, էջ 63:

Ս. Արքահամյան, Հայոց լեզու. Հարակություն, Եր., 1975, էջ 277:

(էջ 79) առածը բնութագրում է ընդհանրապես այն մարդկանց, որոնք շինելու տեղ ավելում են եղածը:

Ընդհանուր դիմավոր նախադասություն. դիմայնությունը խիստ ընդհանրական է, զուրկ է նաև ավոր հատկացումներից. հավասարապես կարող է վերաբերել բոլոր դեմքերին<sup>3</sup>: (Հաջը հացքուխին տուր, մեկն է՝ ավել): Սրանք առավել տարածված են ԱԱ-ներում, թևավոր խոսքերում:

Զանի որ առածներն ու ասացվածքները ժողովրդական խոր մտքեր, բնութագրում ներ են և արտահայտում են կյանքի փորձից հանված ընդհանրացող մտքեր, եզրակացություններ, ապա վերաբերում են ոչ թե մեկ կամ երկու անձի, այլ մարդկանց ընդհանուապես: Դա են հաստատում մեր ուսումնասիրության վիճակագրական տվյալները: Ընտրված 500 առածներից 350-ն ընդհանրական անենթակա նախադասություններ են, որոնց ստորոգյալները կարող են արտահայտվել քերականական տարբեր դեմքերով, եզակի կամ հոգինակի բվով, բայց հատկանիշը միշտ էլ վերագրվում է բոլորին:

ԱԱ-ներում ընդհանրական անենթակա նախադասությունների ստորոգյալներն արտահայտվում են.

ա) Բայի հոգնակի երրորդ դեմքով.

Օրինակներ՝ «Սի ձեռքով երկու ձմերուկ չեն բռնի» (էջ 40), «Ամեն բարև տվողին բարեկամ չեն ասիլ» (էջ 307), «Ծտերն աշխանն են հաշվում» (էջ 192), «Մեխի գլխին բռունցընով չեն խփի» (էջ 162), «Մարդին ընկերովը կը ճանաչեն» (էջ 229) և այլն:

Ինչպես տեսնում ենք, հոգնակի երրորդ դեմքով արտահայտված նախադասությունների ստորոգյալները հիմնականում ժխտական խոնարհման են կամ արտահայտված են պայմանական եղանակով: Ըստ արտահայտած իմաստի՝ սրանք խրատներ են, իմաստուն խորհուրդներ:

բ) Բայի եզակի երկրորդ դեմքով.

Օրինակներ՝ «Ամեն անօան խնձոր պոկելիս ծառ տնկողին միտոքեր» (էջ 307), «Քանի լեզու գիտես, այնքան մարդ եա» (էջ 240), «Կնօա բաժնքով մարդ չես դառնա» (էջ 161):

Այս օրինակներում բայի երկրորդ դեմքը երկրորդ դեմքի անձ չի նշանակում, և հատկանիշը չի վերագրում միայն երկրորդ դեմքին, այլ մարդկանց ընդհանրապես: Եթե այս նախադասություններում փորձենք ավելացնել դու դերանունը, առածը կիմաստափոխսի, կամ կնեղանա խորհրդի եղման ընդգրկումը: Թերևս հնարավոր կլինի նոյն միտքն արտահայտել մարդ բառով նախադասությամբ: Օրինակ՝ «Խնձոր պոկելիս մարդ ծառ տնկողին միտոք պիտի բերի» կամ «Կնօա բաժնիքով դու մարդ չես դառնա»:

Բայի եզակի երկրորդ դեմք ունեցող ստորոգյալների մեջ մասը հրամայական եղանակի է: Օրինակ՝ «Տուն մի՛ գմի, դրացի գմե» (էջ 224), «Տու՛ր ծնողին, որ տա զավկին» (էջ 71):

գ) Եզակի և հոգնակի առաջին դեմքով:

Օրինակ՝ «Մին կարկատան ունեմ, քառսուն ծակ», «Հոգուդ մեռնեմ, քանապուր, դու էլ ծլատ կերակուր» (էջ 114), «Չը գնացինք քունքու հետ, մնացինք քոքչներու հետ» (էջ 311), «Մեջք-մեջքի որ տանք, սար կու շուռ տանք» (էջ 211):

Առաջին դեմքով ասված այս մտքերը վերաբերում են ոչ միայն խոսողին, այլև ընդհանրական գաղափար են արտահայտում: Այսպես, օրինակ՝ «Մեջքմեջքի որ տանք, սար կու շուռ տանք» առածը ուղղակի իմաստով չաետք է հասկանանք, և չի նշանակում, որ եթե մի քանի հոգի («մենք») իրար մեջքի տանք, սարեր շուռ կտանք, այլ միասնական ուժը միշտ էլ հաղթանակում է:

դ) Ընդհանրական անենթակա նախադասություններ են կազմվում նաև չեզոք սեին և նրա կրավորածև բայերի եզակի երրորդ դեմքով: Օրինակ՝ չի նատվում, չի նայվում և այլն: ԱԱ-ներում այդպիսի նախադասություններ չկան:

ե) Ընդհանրական անենթակա նախադասություններ են կազմվում նաև մարդ բառով: Թումանյանը գրում է. «Դժվար է, ասավ, եթք անգործ է մարդ»:

Սարդ ասելով՝ բանաստեղծը ինչ-որ մարդու նկատի չունի, այլ ընդհանրապես մարդկանց: ԱԱ-ներում շատ կան այդպիսի նախադասություններ: Թվում է, թե այստեղ

<sup>3</sup> Հ.Պ Ե տ ր ո ս յ ա ն, «Այերենագիտական բառարան, Եր., 1987, էջ 466:

մարդ բառը անորոշ առումով անենթակա նախադասություն է կազմում, բայց այդ բառն անորոշ առումով կարող է ենթակա էլ լինել և կազմել ենթակայով նախադասություն: Օրինակ՝ «Մարդ կա` մարդ ա, մարդ կա` զարդ ա» (էջ 61), մանավանդ այն դեպքում, եթե որևէ լրացն ունի:

ԱԱ-ներում մարդ բառը հիմնականում լրացնան ենա և հանդիպում: Օրինակներ՝ «Ամեն մարդ իրա դարդը կասի» (էջ 154), «Աղեղ մարդը խոսքի վրա կուգա» (էջ 195), «Ամեն մարդ իրեն կարպեար ջրեն ինքը պիտի հանե» (էջ 149):

ԱԱ-ներով լճնդանրական անենթակա նախադասությունները արտահայտվում են բայի տարրեր եղանակներով, բայց գերակշռողը սահմանական, լոճական և հրամայական եղանակներն են:

ա) Սահմանական եղանակով: Օրինակներ՝ «Ծտերն աշնանն են հաշվում» (էջ 192), «Կա՛մ զժի ենա խոսել ես, կա՛մ զարի հաց կերել ես» (էջ 63), «Լսել է Բաղրադ խորման կա, չի գիտե՞՝ ինչպես կուտեն» (էջ 53) «Ալուս մաղեցի, մաղս կախեցի» (էջ 81), «Տվեցին սարին, դիպավ Գասպարին» (էջ 113):

Սահմանական եղանակի բայերը շատ են հանդիպում Ժխտական խոնարհմանը: Օրինակ՝ «Ինչ չէր տեսել պատեմ կախ, իիմի տեսակ ճակտեն կախ» (էջ 91), «Յակը լեռներուն են տվել, չեն դիմացել, առեկ նարդուն են տվել» (էջ 204):

Այսպիսի նախադասություններում բայերը արտահայտվում են հիմնականում անկատար և վաղակատար ներկա, անցյալ կատարյալ ժամանակներով: Օրինակներ՝

1) անկատար ներկա:

«Առանց ձիու մսուր ա կապում» (էջ 136), «Տախտակի դուռը ծեծողի երկարեւ դուռն են ծեծուն» (էջ 123): Այս վերջին առածի իմաստն այն է, որ շարիքն ու բարիքը հատուցվում են ըստ արժանվույն:

2) Հաճախակի գրձածորյուն ունեն անցյալ կատարյալ ժամանակով արտահայտված ԱԱ-ները: Օրինակ՝ «Եզները կորչելուց հետո գոմը փակեցին» (էջ 113):

3) վաղակատար ներկա: Օրինակ՝ «Մարերուն կարավը մարմանող (դաշտը) հապս են արել, բանտարկել» (էջ 110), «Ծառը տնկել եմ, որ բարն ուտեն» (էջ 98):

Ինչպես նկատում ենք, ԱԱ-ներում չեն գրձածվել հարակատար ներկա և անցյալ, ինչպես և անցյալի ապառնի, անցյալի վաղակատար, ներկա ապառնի ժամանակներով բայեր:

բ) Հրամայական եղանակի բայերով արտահայտված ստորոգյալ ունեցող ընդհանրական անենթակա նախադասությունները շատ են ԱԱ-ներում: Դրանք արտահայտված են ինչպես դրական, այնպես էլ Ժխտական (արգելական հրամայական) խոնարհմանը: Օրինակներ՝ «Վարը նստի, որ վերևը թեզ տեղ տան» (էջ 6), «Գիտունի հետ քար քաշի, անգետի հետ փլավ մի՛ ուսիի» (էջ 12), «Տուն մի՛ գմիր, դրացի գմեն» (էջ 224), «Երեսին մի՛ մտիկ անի, բախտին մտիկ արա» (էջ 57), «Արի՛ մերըով, մի՛ զալ պարտըով» (էջ 25), «Մի՛ ունեցիր հարյուր դահեկան, ունեցիր երկու բարեկամ» (էջ 58):

Այս եղանակով արտահայտված ԱԱ-ները արտահայտում են խրատ, խորհուրդ և հորդոր:

գ) Ըղձական եղանակով: Օրինակներ՝ «Մին մի՛ տա, որ երկու չուզի» (էջ 22), «Գազ մը չքաշի, մազ մը կը քաշի» (էջ 53), «Էդ քեզ խրատ, էլ չը ցանես կտակատ» (էջ 29): «Տաշտին մտոնեմ, որ մի տաշտ էլ կողքին ա» (էջ 44):

Ինչպես տեսնում ենք, այս ստորոգյալները հիմնականում Ժխտական խոնարհմանը են:

դ) Պայմանական եղանակով: Օրինակ՝ «Մին կխոսեն, մին էլ կլսեն» (էջ 36), «Ամեն մարդի իրա պատաճովը կախ կրտսան» (էջ 126), «Առանց ածիլ չեն խաղա» (էջ 152):

ե) Լճնդանրական անենթակա նախադասությունները արտահայտվում են նաև հարկադրական եղանակով: Ինչպես, օրինակ. «Պիտի ուզեն հարսնացու, առնեն շոր ու մատանիք, պիտի փոխեն ծածկը տան» (էջ 66):

Սակայն ԱԱ-ներում այսպիսի նախադասություններ չեն հանդիպում: Դրա պատճառն այն է, որ այս եղանակը ցույց է տալիս հարկադրաբար կատարվելիք գրձորություն, իսկ առածներն ու ասացվածքները ժողովրդական խրատներ են, խորհուրդներ, հորդորանք, բայց ոչ պարտըություն:

զ) ԱԱ-ներում ստորոգյալը կարող է և բաղադրյալ լինել: Օրինակ՝ «Խնչքան որ գիտուն ես, չիմացած մի անգիտից հարցրու» (էջ 6): «Ծուն ես՝ քո որանը հաշի», «Զանի լեզու զիտեն՝ այնքան մարդ ես» (էջ 69), «Ձրի վրայի ճնճող է» (էջ 43), «Քանվորի մանգաղը գողցող է» (էջ 49):

Հայերենը շատ մկուն է, և հաճախ կարող ենք միևնույն առածը կամ ասացվածքը տարբեր դեմքերով ու ժամանակներով արտահայտել: Ինչպես՝ «Երկարը տաք-տաք են ծեծում» և «տաք-տաք կծեծեն», «Ո՞ր մատղ կտրես, որ չցավա» և «ո՞ր մատղ կտրեն, որ չցավի» և այլն:

Անհրաժեշտ է ուսումնասիրել նաև, թե առած-ասացվածքներում ընդհանրական անենքական նախադասությունները ինչպիսի կառուցվածք ունեն: Թե՛ երկկազմ և թե՛ միակազմ ԱԱ-ները վիճակագրական վերլուծության ենթարկելով՝ նկատեցինք, որ գերակշռողը պարզ ընդարձակ և բարդ համադասական նախադասությունները են:

Ընդհանրական – անենքական պարզ համառոտ նախադասությամբ առածների ու ասացվածքների չենք հանդիպում, որովհետև պարզ համառոտ նախադասությունները երկկազմ են, բարդացած ենքակայից և ստորոգյալից:

ա) Պարզ ընդարձակ նախադասություն՝ «Ամեն մարդու մեղք իրանից կուզեն» (էջ 196): «Երկու աշքի մեջին մի՛ հավատա» (էջ 7), «Ամեն բարև տվողին բարև չեն ասի» (էջ 167), «Չան կաղալուն մի՛ հավատա» (էջ 34):

Բազմակի ստորոգյալներով՝ «Երկու լսե, մեկ խոսի» (էջ 6), «Չեմ ուտեր՝ ճեպս դրեք, չեմ կարգի՛ ծոց տվեր» (էջ 52) և այլն:

Երբեմն կարող է այդ միավորյալ նախադասությունների ստորոգյալը զեղչված լինել: Օրինակ՝ «Հազար խոսքին՝ մեկ խոսք, հազար ճնճորուն՝ մեկ քար» (էջ 7) անենքական նախադասության ստորոգյալները (ասա, օցիք) զեղչված են:

բ) Բարդ համադասական նախադասություն. Օրինակ՝ «Գիտունի հետ քար քաշի, անգետի հետ փլավ մի ուտե», «Չան հետ ընկերացիք, փետող ճեռքիցն մի օցիք»:

Ինչպես տեսնում ենք, բարդ համադասական կառուցվածքը ունեցող ընդհանրական ասացվածքները կապակցված են շարահարությամբ: Այս նախադասություններում զեղչված են բայց, իսկ շաղկապները: Չաղկապի զեղչունը ավելի դիպուկ է դարձնում առածը, իսկ բերված օրինակները ձևավորվում են ենթակական կապակցությամբ:

դ) Բարդ համադասական նախադասություն. Օրինակ՝ «Վարը նստի, որ վերևը թեզ տեղ տան» (էջ 6), «Մին մի տա, որ երկու չուզի», «Ազապ աղջիկ առ, որ շապիկ ի մտնի» (էջ 66), «Ծատը տնկել եմ, որ բարն ուտեն» (էջ 98): Այստեղ երկրորդական նախադասությունները զիշավորի հետ կապակցվել են որ շաղկապով: Կարող է այս տիպի անենքական նախադասությունը լինել բարդության մի եղբայր, իսկ մյուսում արտահայտվի ենքական: Երբեմն էլ առաջին նախադասությունից երևում է, թե որն է երկրորդականի ենքական, այսինքն՝ այն կախյալ թերի նախադասություն է:

1. «Անառակի երեսին քքես, կասի՝ անձրև և զայխ» (էջ 38):

2. «Ազապ աղջիկ առ, որ շապիկ ի մտնի»: Այստեղ թերված օրինակներում զիշավոր նախադասության օգնությամբ երևում է, որ երկրորդական նախադասությունների ենքականները աղջիկ և անառակ բառերն են:

Ընդհանրական անենքական նախադասություններն ըստ երանգի լինում են պատմողական, հարցական, հրամայական և բացականչական:

ա) Պատմողական նախադասություն. Օր՝ «Չուկը ջրում բազար չեն անում» (էջ 44): «Կաքնատու կովի պտկին չեն քքի» (էջ 6), «Սատանից օխտն օր առաջ է ծնվել» (էջ 8):

բ) Հրամայական նախադասություն. Օրինակ՝ «Գնա՛ մեռի, արի՛ սիրեն» (էջ 15), «Երեսին մի՛ մտիկ անի, բախտին մտիկ արա» (էջ 23), «Տուն մի՛ զնիք, դրացի զնեն» (էջ 224):

գ) Հարցական նախադասություն. «Խմացել են, որ Ազին մեռել է, չեն իմանում, թե ո՞ր Ազին է» (էջ 13), «Բարդին էլ ա շատ բոյով, ի՞նչ անես, որ բար չունի» (էջ 162):

դ) Բացականչական նախադասություն. Օրինակ՝ «Ծո՛ 1, եզանը «պո» արին» (էջ 98):

Ընդհանրական անենքական նախադասություններից պետք է տարբերել այն նախադասությունները, որոնց ենքական զեղչված է: Եթե անենքական նախադասության մեջ ենքական չկա և չի էլ կարող արտահայտվել՝ մի դեպքում անհայտ լիներու, մյուս դեպքում հատկանիշը բոլորին վերագրված լինելու պատճառով, ապա զեղչված ենքա-

կայով նախադասության ենթական կարող է բառային արտահայտություն ստանալ նոյն բառակապակցության մեջ, այսինքն՝ կարող է վերականգնվել:

Ի տարբերություն մյուս ընդհանրական-անենթակա նախադասությունների՝ ԱԱ-ներում ընդհանրական անենթակա նախադասությունների մեջ խոսքային որոշ միջավայրում երբեմն կարող ենք վերականգնել ենթական, և այն կարող է դառնալ երկկազմ: Դա այն դեպքում է, եթե առածը գործածվում է խոսքային որոշակի միջավայրում և վերագրվում է խոսակցին կամ խոսողին: Այսպես, օրինակ, իրար հետ գրուցող մարդկանցից մեկն ասում է մյուսին. «Դու հայելին առ երեսդ տես, որ ուրիշին փուտ չը դնես»: Ակնհայտ է, որ «զու» ենթական «Հայելին առ երեսդ տես, որ ուրիշին փուտ չը դնես» միակազմ նախադասությունը տվյալ խոսքային միջավայրում դարձեց երկկազմ:

ԱԱ-ներում առավել հետաքրքրական կիրառություն ունեն դիմավոր միակազմ նախադասությունները, որոնք հանդիպում են անորոշ - դիմավոր, ընդհանրական դիմավոր և հատկանիշներն ընդգծող միադիմի նախադասության ենթատեսավճերով: Դիմավոր միակազմ նախադասությունները ԱԱ-ներում նույնական ունեն արտահայտության եղանակաժամանակային բազմապիսի դրսերումներ, որ խոսում է քերականական իմաստների արտահայտման հայերենի մկուն հնարավորությունների մասին:

## ОБОБЩЕННО-ЛИЧНЫЕ (ОДНОСОСТАВНЫЕ) ПРЕДЛОЖЕНИЯ В АРМЯНСКИХ ПОСЛОВИЦАХ

— Резюме —

— Г. Манукян —

В пословицах встречаются следующие типы односоставных предложений: неопределенно-личные, обобщенно-личные и слова-предложения.

В данной статье рассматриваются структурные вопросы односоставного предложения, в частности, обсуждаются вопросы обобщенно-личных предложений, выясняются их языковые и грамматические особенности.

Данные статистики показывают, что из трех видов односоставного предложения в пословицах очень часто встречаются обобщенно-личные. Это объясняется тем, что пословицы выражают общие истины, в которых речь относится не к отдельному человеку, а к людям вообще.